


BOLAND LANDBOUSKOOI



2018
INLIGTINGSGIDS

INHOUDSOPGAWE

1.	Voorwoord	3
2.	Afwesigheid	3
3.	Ander aktiwiteite	3
4.	Beheerliggaam	4
5.	Boland Landbou Ondersteunersbond (BLOB)	4
6.	Boodskappe by die sekretaresse	4
7.	Deelname aan ko-kurrikulêre aktiwiteite	4
8.	Gastewoonstel	4
9.	Geestelike Berader	5
10.	Gimnasium	5
11.	Handboeke en skryfbehoeftes	5
12.	Kleredrag	5
13.	Klerewinkel	7
14.	Kleure-atletiek	7
15.	Koshuise	7
16.	Koshuisreëls	8
17.	Kultuur	9
18.	Langerug Natuurresewaat	9
19.	Noodhulp	9
20.	OOV	9
21.	Onderriggelde	10
22.	Onderriglokale	10
23.	Personeel	10
24.	Prysuitdeling en gala-aand	10
25.	Raad van Leerders	11
26.	Skoolkwartale	11
27.	Tuisnaweke	11
28.	Skoolied	12
29.	Skoolreëls	12
30.	Skooltoekennings	15
31.	Snoepwinkel	15
32.	Sportdae	15
33.	Sportfasiliteite	15
34.	Sportsoorte	16
35.	Studie in koshuis	16
36.	Toekomspepektief	16
37.	Vakkeuses	16
38.	Verhuring van fasiliteite	17
39.	Verwelkoming van nuwe leerlinge	18
40.	Voogstelsel	18
41.	Wasgeriewe	18

1. VOORWOORD

Die oogmerk van hierdie gids is om ouers volledig in te lig rakende alle aspekte van die skool.

Addisionele inligting word by wyse van weeklikse omsendbriewe aan ouers per e-pos gestuur. U kan ook die skool se webblad raadpleeg.

U kan toegang tot die **Communicator** verkry d.m.v. die volgende skakel: www.school-communicator.com. Dit word gereeld aangepas met nuus, gebeure, wedstrydbepalings, ens. Ons vertrou dat hierdie gids sal lei tot groter begrip vir die diversiteit van die skool, en u as ouer se taak sal vergemaklik.

2. AFWESIGHEID

’n Opname van afwesigheid word daagliks gedurende die registerperiode gedoen. Siek leerlinge moet by ontbyt rapporteer sodat reëlins getref kan word. Alle afwesigheid moet met mnr Greyling gereël word per sms 082 410 1848.

3. ANDER AKTIWITEITE

3.1 M&F AGRI FEES: Die tradisionele jaarlikse Oesfees vind gedurende die naweek van 16 – 17 Maart plaas.

3.2 INTERSKOLE

Sedert 1987 vind Interskole twee keer per jaar teen Oakdale Landbouskool plaas, óf die atletiek óf die rugby is roterend op ons tuisvelde. Tot en met 2017 het Boland Landbou met agtien oorwinnings teenoor Oakdale se elf geseëvier. In 2018 vind dit op die volgende dae plaas.

BY OAKDALE

Tennis:	1 Februarie	Junior + Senior spanne
Krieket:	2 Februarie	0/19A + B en 0/15A + B spanne
Atletiek:	3 Februarie	

BY LANDBOU

Gholf:	17 Augustus
Rugby:	18 Augustus

3.3 GR. 12 - LAASTE FUNKSIE MET OUERS

Benewens die matriekafskeid, vind daar ’n vingerete saam met die ouers en die leerkragte op die matrieks se laaste amptelike skooldag plaas.

3.4 CSV

Die skool beywer hom vir Christelike opvoeding en sluit aan by die visie van die CSV om ’n nuwe generasie na ’n nuwe lewenstyl in Christus te begelei.

Die CSV by die skool beywer en ondersteun aksies waar evangelisasie, dissipelskap (lewensvaardighede), geestelike ondersteuning, dienslewering (uitreike) en versoening vooropgestel word.

Die CSV by die skool bestaan uit die skakelonderwysers, die CSV-bestuur, stylstellers en leerders wat elkeen by 'n kring inskakel. Die kringe vind weekliks plaas en die stylstellers wat die kringe lei, ontvang leiding van 'n plaaslike leraar (Normaalklas).

Die CSV bied ook op 'n gereelde basis Sangaande aan. Kundige sprekers wat deur die CSV genooi word, tree ook dikwels by die skool op. Hier word aktuele temas aangeraak wat opbouend op die jeug inwerk.

Die CSV vorm dus 'n raamwerk waar leerders hulleself kan uitleef as Christen jongmense. Die skool en plaaslike CSV-tak besef sy afhanklikheid van Die Skepper in alles wat hulle doen.

4. **BEHEERLIGGAAM**

	WERK	SELFOON
Chris Fourie (skoolhoof)	021 869 8143	082 805 3550
Sakkie du Toit (voorsitter)	023 344 3260	083 229 7508
Bea Basson	022 482 2958	082 327 1674
Thys Basson	022 482 2178	083 289 8384
Jonty Carstens	021 864 1876	084 664 9908
Marius de Jager	021 871 1191	082 774 5740
Truter de Kock	087 150 1811	083 285 7247
Wim du Toit	023 004 0188	082 450 9548
Sandra Goosen	021 869 8143	084 572 8711
Cobus van Coller	021 869 8143	084 624 7393
Hannes van Jaarsveld	021 872 5227	082 897 7602
Nelius van Santen	021 300 1112	082 770 8295

5. **BOLAND LANDBOU ONDERSTEUNERSBOND (BLOB)**

Die koördineerder is Lizette Molnar Sel 083 500 3333 of
E-pos blob@bolandlandbou.com

6. **BOODSKAPPE BY DIE SEKRETARESSE**

Boodskappe vir leerlinge kan by die sekretaresse gelaat word. Die leerlinge sal tydens pouses geroep word om boodskappe af te haal. Tel Nr 021-869 8143/5

7. **DEELNAME AAN KO-KURRIKULÊRE AKTIWITEITE**

By Boland glo ons dat 'n gesonde liggaam 'n gesonde gees huisves. Leerders word verplig om aan minstens een somer- en een winteraktiwiteit deel te neem en 'n minimum van twee georganiseerde, gekontroleerde oefeninge per week by te woon. Slegs indien 'n mediese sertifikaat getoon word, sal hy verskoon word.

8. **GASTEWOONSTELLE**

Huis Nico Malan het 2 gastewoonstelle met slaapplek vir onderskeidelik 6 en 2 persone, toegerus met ys/vriestas, TV, mikrogolfoond, stort- en toiletgeriewe, handdoeke en linne asook opwasgeriewe. Tariewe en besprekings is beskikbaar by Irma Greyling (Tel. 021-869 8143 / 082 495 1652).

9. GEESTELIKE BERADER

Ons is bevoorreg om vanaf 2017 vir ds Toit Wessels, 'n oud-skolier van Boland Landbou, in diens te hê. Hy woon op die skoolgronde en is vir ons kinders beskikbaar vir hulp en gesprekvoering.

10. GIMNASIUM

Boland Landbou het 'n baie goed toegeruste gimnasium. Dit word deur 'n gekwalifiseerde instrukteur bedryf.

11. HANDBOEKE EN SKRYFBEHOEFTE

Alle skryfboeke en handboeke word deur die skool voorsien as deel van die onderriggeld.

12. KLEREDRAG

12.1 SKOOLKLERE

- | | | |
|-------------|---|---|
| Somersdrag | - | Wit kortmouhemp met die skoolwapen op die sak |
| | - | Grys kortbroek / langbroek |
| | - | Skoolsokkies |
| | - | Swart toerygskoene – nie aanglipskoene of skoene met gespes nie |
| | - | Skool oortrektrui |
| Wintersdrag | - | Wit langmou- of kortmouhemp |
| | - | Grys langbroek |
| | - | Skoolsokkies |
| | - | Swart toerygskoene – nie aanglipskoene of skoene met gespes nie |
| | - | Skoolbaadjie |
| | - | Opsioneel: trui onder baadjie |
| | - | Skooldas |
| Uitstappies | - | Altyd baadjie en das (Uitsonderings kan met die hoof gereël word) |
| Sport | - | Rugby: Weg – skoolklere |
| | | LW: Alle leerlinge moet 'n skoolsweetpak hê |
| Tuis | - | Skoolklere of sweetpak voor die wedstryd |
| | | Skoolklere ná wedstryd |
| Ander | - | Sportdrag tuis en weg |

12.2 SPORTDRAG

12.2.1 TENNIS

- | | | |
|-----------|---|---|
| Oefeninge | - | Enige sport oefenbroekie. Indien dit koud is mag hulle met 'n sweetpak oefen. |
| | - | Enige sport oefenhemp |
| | - | Tekkies |
| Wedstryde | - | Swart Boland-broekie |
| | - | Swart sporthempie |
| | - | Skoolpet |
| | - | Tekkies |

12.2.2 GHOLF

- Oefeninge - Chino broek, kort of lank
- Skool se sporthemp (wit)
- Gholfskoene of tekkies
- Wedstryde - Chino broek, kort of lank
- Hemp soos deur die skool voorsien.
- Gholfskoene of tekkies

12.2.3 RUGBY

- Oefeninge - Seuns moet met rugbysokkies en 'n rugbytrui oefen.
Geen kort sokkies.
- In die eerste kwartaal mag die seuns met 'n t-hemp oefen aangesien dit nog baie warm is.
- Geen pet mag gedra word nie.
- Wedstryde - Seuns trek skoolklere aan voor en na wedstryde.
- Spanne wat eerste speel mag skoolsweetpakke aantrek.
Na hulle gespeel het, moet hulle skoolklere aantrek.
- Die enigste spelers wat met 'n sweetpak op die pawiljoen sit, is die seuns wat in die rondte net voor die eerstespan gespeel het.
- Seuns moet ten alle tye met die korrekte Boland Landbou sokkies, broekie en trui speel.
- Alle spanne moet die Boland Landbou swart sporthemp gebruik vir opwarming.
- Kouse mag nie op die enkels wees nie.
- Die rugbytrui moet sover moontlik ingesteek wees.
- Die seuns mag 'second skin' dra maar dit moet swart wees en kort moue hê. Dit mag nie uitsteek nie.

Proewe (WP O/15, O/16 en O/18)

- Elke seun wat die skool verteenwoordig by WP-proewe, moet hulle skoolsweetpak dra.
- Saam met die skoolsweetpak moet die seuns tekkies aantrek. Geen plakkies mag gedra word nie.
- Onder die skoolsweetpak moet die seuns hulle Boland Landbou opwarmingshemp aantrek. Eerstespan spelers kan hulle eerstespan opwarmingshemp aantrek.

12.2.4 ATLETIEK

- Oefeninge - Enige sportiewe oefendrag is aanvaarbaar. Daar moet in ag geneem word dat dit gewoonlik warm is tydens oefeninge en sonbrand sover moontlik voorkom moet word.
- Byeenkomste - Die atletiekdrag wat bestaan uit die atletiekbroekie of stywe atletiekbroek en swart atletiekfrokke, wat te koop is by die klerewinkel is die ideaal. Atlete soos hoogspringers mag die wit gholfhemp van die skool onder die frokkie dra om hul skouers te beskerm.
- Atlete is welkom om spykerskoene en wegspringblokke aan te skaf, hoewel dit hul eie voorkeur is.

12.2.5 KRIEKET

- Oefeninge
- Die seuns kan oefen met enige sportbroekie, sporthemp en krikethoed of kriketpet.
 - Elke seun oefen met tekkies.
 - Elke seun is verantwoordelik vir sy eie krikettoerusting: Kolf, beenskutte, handskoene, helmet en 'ball box'.
- Wedstryde
- Elke span in die skool moet met 'n kriketpet speel. Die eerstespan speel met die 'spesiale' eerste-span pet. Hierdie pet is by die klerewinkel beskikbaar.
 - Elke seun moet ook met 'n kriket langbroek speel.
 - Dit geld vir elke span in die skool.
 - Ons probeer jaarliks 'n krikethemp geborg kry vir elke seun in die skool. Indien daar nie 'n borg is nie, moet elke seun die wit Boland Landbou sporthemp koop wat by die klerewinkel beskikbaar is.
 - Die seuns kan speel met tekkies of kriketskoene.
 - Elke seun is verantwoordelik vir sy eie kriket-toerusting.

Sportdrag is beskikbaar by die Klerewinkel soos uiteengesit op bl. 6 en 7.

13. KLEREWINKEL

Die skool bedryf 'n klerewinkel onder beheer van mnr Pierre Schoeman (Pêrel Sport). Alle skool- en sportdrag is beskikbaar.

Winkelure: Dinsdag tussen 17:00 - 17:30.

Saterdag – Tuiswedstryde 09:00 – 11:00

Mnr Schoeman se tel. no. is 021-872 9661/2 of 083 270 5899

14. KLEURE-ATLETIEK

Vind plaas op 26 Januarie 2018. Die seuns word verdeel in drie kleurgroepe en dien as 'n belangrike voorbereiding vir die Atletiek-Interskole teen Oakdale wat op Saterdag 3 Februarie by Oakdale plaasvind.

15. KOSHUISE

Hoër Landbouskool Boland beskik oor 'n Junior koshuis vir gr 8-leerders wat 78 seuns huisves. Mnr en mev Len Conradie is die huisouers.

Die Senior Koshuis, Huis Nico Malan, huisves alle gr 9 – 12-leerders. Mnr en mev Ben Greyling is die huisouers. Beide koshuise beskik oor 'n ontspanningslokaal en is met DSTV toegerus. Alle leerders eet gelyktydig in 'n gemeenskaplike eetsaal. Die skool het twee tuisnaweke per kwartaal waar leerders die koshuise moet verlaat. Ander naweke is opsioneel. Die skool sluit daagliks om 13:50, behalwe Vrydae om 13:30. Tuisnaweke sluit die skool om 13:00. Woensdae is daar 'n dorpsbus wat ±60 seuns dorp toe neem.

Siek leerders word middag na die dorp en terug vervoer en in noodgevalle, soos wat die behoefte ontstaan.

Die skool besorg ook leerders op busse of treine indien ouers dit nie kan reël nie. Daar is 'n tarief aan verbode wat asseblief vooraf inbetaal moet word. Die leerlinge moet die kwitansie aan die busbestuurder toon. Lughawe toe kos R80 per rit en Malmesbury, Stellenbosch, ens. R50 per rit.

Superintendent Senior Koshuis: Ben Greyling Sel 082 410 1848
Junior Koshuis: Len Conradie Sel 084 513 9488

Superintendente is meeste tye beskikbaar maar nie voor 08:00 in die oggende en tydens etes nie (middag 13:30 – 14:30 en saans 17:30 – 18:30).

Lys van benodigdhede:

- Klere soos op klerelys voorsien
- Beddegoed. Verkieslik 'n paslaken (76 cm breed), duvet en kussing
- Drie slotte (nie kombinasie-slotte nie en ten minste medium grootte) met spaarsleutels
- Bedliggie en spaar gloeilamp
- Penlig batterye vir die kluis
- Handdoeke en toilettoebehore
- Hoed en ou tekkies (plaaswerk)
- Bring materiaal vir die maak van 'n naambord (slegs gr. 8). Karton ± 30 x 30 cm, tou, koki pen
- Die leerling moet ook voorsiening maak vir medikasie wat hy mag nodig. Lig hom asseblief in oor die gebruik daarvan. By die superintendent is slegs basiese pille beskikbaar.
- Die volgende word nie in die kamers toegelaat nie.
 - * Broodrooster, ketel en dompelaar
 - * Verwarmer
 - * Yskas
 - * TV

16. KOSHUISREËLS

Hier volg net 'n paar algemene reëls. Alle detail word op 'n huisvergadering, die eerste Woensdagaand, bespreek.

16.1 Algemeen

Leerders mag in gewone klere huis toe gaan op 'n Vrydag en ook met gewone klere terugkom Sondag. Indien hy Maandagoggend inkom, moet hy sy volledige skooluniform aanhê.

Na 'n tuisnaweek kan leerders Sondagaande inkom vanaf 17:00 tot 21:00 of Maandagoggende vanaf 06:30 – 07:15.

16.2 Vandalisme word in 'n uiters ernstige lig beskou. Indien u seun iets per ongeluk breek, moet dit dadelik by die superintendent of onderwyser aan diens aangemeld word. Daar sal slegs 'n vervangingskoste gehef word. Balspele in die koshuise is heeltemal verbode.

16.3 Koshuisterrein verlaat

Geen leerling mag die terrein verlaat sonder dat die superintendent ingelig is nie. Geen ander leerlinge mag saam met 'n leerling wat toestemming het, gaan nie. Stuur 'n sms aan mnr Greyling - 082 4101 848.

17. KULTUUR

CSV

Mnr en Mej Boland

Junior Landbouvereniging

Redenaars / Debat

18. LANGERUG NATUURRESERVAAT

Op inisiatief van die vorige skoolhoof, mnr Jannie van der Westhuizen, word 35 ha. natuurlike veld in Januarie 1996 omhein. Kort daarna word die eerste diere nl. twee bontebokke hervestig.

Die Langerug Natuurreservaat is deel van die "Quagga Project" wat hom beywer het om die uitgestorwe Kaapse Kwagga terug te teel. Tans spog die reservaat met, springbokke, blouwildebeeste, elande, en duikers.

Met 'n skenking van Agri-Expo is 'n Buitelugsentrum vir bewaringsopvoeding ook daar opgerig.

Die Natuurreservaat het 'n nuwe era betree met die toetrede van die Rupert Natuurstigting as medeborg. Die aanvanklike 35 ha. is vergroot na 100 ha. 'n 2.2m hoë wildsheining is opgerig en 'n dam is gebou. Die Buitelugsentrum se geriewe is verbeter en nuwe wildsoorte, soos blouwildebeeste is ook hervestig. Gedurende September 2001 word die reservaat deur die Wes-Kaapse Ministerie van Grondsake tot 'n amptelike private Natuurreservaat geproklameer.

19. NOODHULP

Leerlinge word aangemoedig om 'n noodhulpkursus te volg om sodoende 'n diens tydens ons rugbywedstryde te verrig. Leerders kan hulle vanaf Vlak I tot Vlak III bekwaam.

20. OOV (Ouer-Onderwyservereniging)

Die OOV word gekoördineer deur 'n klein bestuur en 6 graadvertegenwoordigers per klasgroep.

Gereelde vergaderings word gehou waartydens alle beplanning vir die jaar gedoen word. Voorbereidings op Vrydagaande – alle graad ouers welkom. Verkopings op Saterdag word hoofsaaklik deur 'n spesifieke klasgroep hanteer. Ons vra alle ouers om asseblief hiermee te help.

Die OOV is bv. ook betrokke by die Damesdinee, Akademiese Gala-aand, Gr 12-afskiedsdinee en Prysuitdeling.

Voorsitter : Mineke Fourie 082 528 4055 E-pos info@riderssa.co.za

21. ONDERRIGGELDE 2018

Skoolgelde : R25 050 per jaar

Losiesgelde : R29 640 per jaar

22. ONDERRIGLOKALE

Hoër Landbouskool Boland beskik oor die volgende fasiliteite:

Twee laboratoriums vir die onderrig van Lewenswetenskappe en Fisiese Wetenskappe.

'n Rekenaarlokaal waar Rekenaargeletterdheid aangebied word.

Die skool het ook 'n volledig toegeruste werkswinkel met hout- en metaalwerkmasjinerie.

23. PERSONEELLYS

Hoof : Chris Fourie
Departementshoofde : Cobus van Coller (Lewenswetenskappe/
Wiskundige Geletterdheid)

Personeel: Oloff Bergh (Sportorganiseerder)
Ronél Bernardo (Fisiese Wetenskappe/Wiskundige Geletterdheid)
René Bester Felder (Afrikaans/Engels)
Jeshua Crous (Engels/Lewensoriëntering)
Prieur du Plessis (Geografie)
Schoeman du Preez (Landboubestuurspraktyke/Landbouwetenskappe)
Ben Greyling (Koshuishoof/Sportorganiseerder)
Irma Greyling (Rekeningkunde)
Malcolm Harris (Engels)
Marilize Jordaan (Wiskunde)
Johan Moolman (Landboutegnologie/Wiskundige Geletterdheid)
Johan Palm (MSW)
Manie Smit (Landbouwetenskappe/Landboubestuurspraktyke)
Johan van der Merwe (Afrikaans/Lewensoriëntering)
Douglas van Blerk (Sportwetenskaplike)
Marlette van Wyk (Wiskunde)
_____ (Besigheidstudies/EBW)

24. PRYSUITDELING EN GALA-AAND

24.1 GALA-AAND

Sedert 1998 vereer ons ons akademiese presteerders tydens 'n gala-aand. Tydens hierdie geleentheid word die top 5 leerders per graad, saam met hulle ouers en personeel, na 'n spoggeleentheid genooi.

Hierdie geleentheid vind aan die begin van elke jaar plaas, aangesien punte wat leerders in die voorafgaande jaar tydens die Junie-, September- en Novembereksamens behaal het, in berekening gebring word. Die status van die aand word verder verhoog deur 'n geëerde persoon wat as spreker optree.

Vanaf 2002 word 'n gala-aand ook vir buite-kurrikulêre presteerders aangebied. Hier word alle prestasies (provinsiale kleure) wat leerlinge in die skool of buite-sporte behaal het, vereer.

24.2 PRYSUITDELING

Die prysuitdeling is jaarliks een van ons spoggeleenthede. Tydens hierdie byeenkoms word leerders wat op akademiese-, sport- en kultuurgebied uitblink het, vereer.

Daar word nie slegs toekennings aan leerders gedoen nie, maar ons gebruik ook hierdie geleentheid om jaarliks persone te vereer vir diens gelewer aan die skool. Oud-leerlinge wat presteer, word ook by wyse van ere-toekennings vereer.

Aangesien baie ouers teenwoordig is, is dit ook die ideale geleentheid vir die skoolhoof om sy jaarverslag te lewer. Hoogtepunte van die aand se verrigtinge is die aankondiging van die beste sportprestasie van die jaar, die Dux-leerling, die matriekraad, koshuisprefekte, hoofseun en onderhoofseun.

Slegs sportprestasies van skoolsporte (m.a.w. waar die skool deur 'n span verteenwoordig word) word hier vereer.

Die verrigtinge word gewoonlik afgesluit met 'n gesellige funksie vir ouers en belangstellendes.

25. RAAD VAN LEERDERS

Hierdie raad bestaan uit 22 lede, drie uit elke graad van gr 8 - 11, en dan hiermee saam die Matriekraad wat bestaan uit 10 gr 12-leerders. Hierdie lede word demokraties deur die leerders verkies en hulle neem deel aan belangrike besluitnemingsprosesse en verteenwoordig so die leerders.

26. SKOOLKWARTALE 2018

Eerste kwartaal	:	15 Januarie (opvoeders)	
		17 Januarie (leerders)	- 28 Maart
Tweede kwartaal	:	10 April	- 22 Junie
Derde kwartaal	:	17 Julie	- 28 September
Vierde kwartaal	:	9 Oktober	- 12 Desember (leerders)
			- 14 Desember (opvoeders)

27. TUISNAWEKE 2018

Eerste kwartaal	:	26 - 28 Januarie
	:	23 - 25 Februarie
Tweede kwartaal	:	27 April - 1 Mei
		1 - 3 Junie
Derde kwartaal	:	8 - 12 Augustus
		31 Augustus - 2 September
Vierde kwartaal	:	26 - 28 Oktober
		16 - 18 November

28. SKOOLLIED

Hef aan die lied van die aarde
van jonkheid in sy krag –
van ons droom en daad en durfmoed
deur die langste dag.

Dit is die lied van ons Boland,
hoog op ons vaandel sy naam;
in ons spel en sorg en ywer,
ons soos een man saam.

Refrein:

Boland, Boland, Boland;
skool vir die hart en die hand.
Hier bou ons vaste karakters
vir volk en vaderland,
vir volk en vaderland!

Heer van die suidsoele somer
en van die winterkou –
leer ons om ook in ons teenspoed
ons kop hoog te hou.
En as U weer met U mildheid
ons vry uit U oorfloed bied,
laat ons U die lof en dank bring
in ons woord en lied.

29. SKOOLREËLS

29.1 Gedragskode:

Die volgende gedragskode moet deur alle leerders voltooi word:

As lojale leerling van die Hoër Landbouskool Boland verbind ek my graag tot die volgende:

- Skooltrots
- Respek
- Hoflikheid
- Eerlikheid
- Verantwoordelikheid
- Netheid
- Die onderwerping aan reëls en gesag
- Die aanvaarding van tugmaatreëls
- Verdraagsaamheid en toegeneentheid teenoor medeleerlinge

Aangesien ek glo dat bogenoemde belangrike boustene van 'n ordelike en beskaafde samelewing is, onderneem ek om ywerig en met entoesiasme my daarvoor te beywer.

29.2 Algemeen

Elke leerling se optrede, houding en gedrag moet altyd onberispelik wees en waar hy ook al gaan, moet hy optree as 'n waardige ambassadeur van die Hoër Landbouskool Boland.

29.3 Voorkoms van Leerlinge

Die voorkoms en kleredrag van leerlinge moet te alle tye gedurende die kwartaal netjies wees. Die hare van leerlinge moet netjies en kort wees.

29.4 Gedrag en Optrede

Daar word 'n hoë premie op stiptelike skoolbywoning geplaas. Indien 'n leerling weens siekte of ander onvoorsiene omstandighede afwesig is, word van ouers verwag om die skool daarvan in kennis te stel.

Die besit of gebruik van tabak, vuurhoutjies, alkoholiese drank, ander dwelmmiddels of aanstootlike leesstof of materiaal word ten strengste verbied.

'n Leerling mag nie 'n medeleerling se liggaamlike of geestelike welsyn benadeel of in gevaar stel nie, en mag nie wapens, speelgoed of enigiets wat liggaamlike besering kan veroorsaak, in sy besit hê nie.

Skoleiendom of enigiets by die skool wat die eiendom van iemand anders is, mag nie beskadig, ontsier of besoedel word nie.

'n Leerling mag nie 'n motor of enige ander selfaangedrewe voertuig op die plaas of skoolgronde bestuur of parkeer nie, behalwe in uitsonderlike gevalle waar verlop alleen deur die skoolhoof toegestaan sal word.

Deelname aan Skoolprogram:

Daar word van elke leerling verwag om aan minstens een somer- en een wintersport deel te neem.

'n Leerling moet deelneem aan die opvoedingsprogramme soos deur die skool voorgeskryf, tensy vrystelling deur die hoof verleen is.

Wanneer 'n leerling hom vrywillig by 'n buitemuurse skoolbedrywigheid aangesluit het, moet hy sy verpligtinge en verantwoordelikhede in verband daarmee stiptelik nakom, tensy hy deur die skoolhoof daarvan vrygestel word.

Geen leerling mag minagting teenoor die Republiek van Suid-Afrika se nasionale simbole of die Hoër Landbouskool Boland se kodes openbaar nie.

Verpligte bywoning van sekere skoolgeleenthede word vereis.

- 29.5 Die leerlinge se hare:
- moet kort, skoon en netjies versorg wees
 - mag nie aan die kraag van die hemp raak nie
 - mag nie die leerling se sig belemmer nie
 - mag nie gekleur word nie

- mag nie volgens buitensporige haarstyle gesny wees nie
- geen smeermiddels
- mag nie oor die ore groei nie
- nie geskeer word nie.

Geen bakkebaard word onder die middel van die oor toegelaat nie.

Die leerling se gesig moet te alle tye skoon geskeer wees.

Geen oorbelle, kettings, armbande of ringe van enige aard word toegelaat nie.

Leerlinge se tasse moet stewig wees (nie vissak-tipe nie).

29.6 Gedrag

- 29.6.1 Leerlinge moet altyd:
- hoflik wees
 - ordelik wees
 - stiptelik wees
 - gehoorsaam wees
 - keurige taal gebruik
 - eer aan volwassenes betoon (bv. opstaan op terrein)
- Leerlinge mag nie
- rook nie
 - dwelms gebruik nie
 - drank gebruik nie
 - vandalisme pleeg nie
 - ander aanrand nie
 - diefstal pleeg nie
 - rommelstrooi nie
 - okkultiese bedrywighede beoefen nie
 - afwesig van skool of klas wees
 - sonder toestemming nie
 - arrogant wees nie
 - graffiti op banke, mure ens. beoefen nie
 - neerhalende aan/of opmerkings ("choke") maak nie
 - met hande in sakke staan of loop nie.
- 29.6.2 Gange
- Stap aan die linkerkant van die gang
 - Dra tas in regterhand (nie links of oor skouer nie)
 - Beweeg flink en ordelik
 - Beweeg in rye (nie langs mekaar)
 - Leerlinge mag nie die hoofgang of hoofingang gebruik nie, tensy onderwyser toestemming verleen
- 29.6.3 Rye
- Moet stiptelik en flink na en van die rye af beweeg
 - Stilte en orde moet in die rye heers
 - Staar agter mekaar in ry
 - Luister na afkondigings

- 29.6.4 Klaskamers en Kleedkamers
Laat klaskamers en kleedkamers in 'n netjiese en heel toestand.
- 29.6.5 Verlaat van skoolterrein
Geen leerling mag die terrein sonder toestemming verlaat nie.

30. SKOOLTOEKENNINGS

Leerlinge word vereer vir prestasies op die volgende vlakke:

- Skoolvlak (Merietetoekenning)
- Provinsiale vlak (Half-kleure)
- Nasionale vlak (Erekleure)

Prestasies op alle terreine van die skoollewe word erken. (Akademie, sport, kultuur, leierskap). Prestasie in buite-skoolsporte word slegs by die sport gala-aand erken.

31. SNOEPWINKEL

Die skool en koshuis beskik oor 'n kontantwinkel wat lekkers, koeldrank, skyfies en roomys aanhou. Dit word deur seuns bedryf en die wins word aangewend vir die leerlinge ten opsigte van ontspanningsgeriewe. Handelstye is tydens skoolpouses, studiepouses asook middag en saans na ete.

32. SPORTDAE

Wedstryde en kompetisies vind gewoonlik op Saterdag plaas met die volgende uitsonderings:

Krieket	Elke dag van die week en Saterdag
Gholf	Maandag
Tennis	Vrydag of soos gereël

L.W. Leerlinge word baie ernstig versoek om in te bly op 'n Vrydagaand voor 'n rugbytuiswedstryd. Uitsonderings moet met mnr Greyling gereël word.

33. SPORTFASILITEITE

- Twee krieketvelde met sewe oefennette
- Agt tennisbane en twee oefenmure
- Tennisklubhuis met kleedkamergeriewe
- Ses rugbyvelde
- Gras atletiekbaan
- 30 m lengte swembad
- 'n Volledig toegeruste klubhuis met kleedkamergeriewe asook 'n onthaalsaal met ingeboude braaigeriewe.
- Volledig toegeruste kiosk wat die OOV tydens byeenkomste gebruik.
- 'n Toe pawiljoen vir ± 1 000 toeskouers met kleedkamergeriewe.
- 'n Oop pawiljoen vir ± 500 toeskouers.
- Goed toegeruste gimnasium

34. SPORTSOORTE

Sportsoorte: Somer: Atletiek
Krieket
Tennis
Golf
Jeugskou
Winter: Rugby
Golf
Landloop
Tennis

35. STUDIE IN KOSHUIS

2 uur per dag onder toesig.

Dit is belangrik dat seuns gereeld sal studeer om toe te sien dat huiswerk te alle tye voltooi is en dat daar deeglik vir toetse voorberei word. Addisionele studietyd tydens eksamens word ingeruim.

36. TOEKOMSPERSPEKTIEF

VISIE

’n Toonaangewende Hoër Landbouskool wat Christelike opvoeding en professionele onderrig by uitnemendheid aan die kind bied – dit impliseer dat die omgewing se behoefte na gebalanseerde gemeenskapsleiers bevredig sal word deur die ontwikkeling van ons leerders se potensiaal deur middel van ons unieke onderrigomgewing.

MISSIE

Om die Hoër Landbouskool Boland uit te bou en te handhaaf as leier in opvoedkundige onderrig deur:

- behoeftegerig te wees in die proses van onderrig en opvoeding in harmonie met die omgewing
- die toepassing van verantwoordbare morele waardes en norme
- die toepassing van gesonde en haalbare bestuurstrukture en norme
- ’n gemotiveerde en gelukkige personeelkorps
- ’n lojale en gelukkige leerderkorps
- ’n finansiële onafhanklike onderwysinstelling
- ’n finansiële sterk en ekonomies stabiele boerdery-eenheid
- samewerking in vennootskap met die privaatsektor
- die optimale benutting van alle hulpbronne

37. VAKKEUSES

Gr 8 en 9

8 Algemene Leerareas

Landbou

Gr 10 - 11

Afrikaans Huistaal

Engels Eerste Addisionele Taal

Lewensoriëntering

Wiskunde of Wiskundige Geletterdheid

Fisiese Wetenskappe OF Geografie OF Besigheidstudies

Rekeningkunde OF Lewenswetenskappe OF Landboubestuurpraktyke

Landbouwetenskappe OF Landboutegnologie

38. VERHURING VAN FASILITEITE

38.1 Agri-Expo Buitelugsentrum

Andras Molnar Sel 081 355 3251

38.2 Boland Sentrum

Lizette Molnarh Sel 083 500 3333

38.3 Loubersaal

Sekretaresse Tel 021 869 8143

38.4 Rugbystadion en Atletiekbaan

Tennisbane

Swembad

Ben Greyling Sel 082 410 1848

38.5 Schalk van der Merwe Tennisklubhuis

Ben Greyling Sel 082 410 1848

38.6 Tariewe:

Agri-Expo Buitelugsentrum: R1 500.00 per funksie (dag of aand)

Boland Sentrum: Min. R6 000.00 per funksie of R60.00 pp

Rugbystadion en Atletiekbaan: R600.00 per dag

Schalk van der Merwe Klubhuis: R330.00 per dag

Swembad: R300.00 per gala

R 50.00 per oefensessie

Tennisbane: R100.00 per baan per dag

Loubersaal: R800.00 per funksie

Deposito: Die volle huurtarief is by bespreking betaalbaar. 50% hiervan sal verbeur word indien kansellasië plaasvind binne 14 dae voor die besprekingsdatum.

Algemeen:

Die skool sal alle fasiliteite wat gehuur word in 'n skoon en netjiese toestand voorberei. Die huurder moet alle basiese opruimingswerk self doen, waarna die skool die finale skoonmaakwerk sal doen.

39. VERWELKOMING VAN NUWE LEERLINGE

Begin die dag voordat die skool in die eerste kwartaal begin en sluit af aan die einde van die eerste week. Dit word hanteer deur die Matriekraad asook 'n paneel van onderwysers.

40. VOOGSTELSEL

Klasonderwysers tree op as voog van 'n klasgroep. Ouers is welkom om met 'n klasonderwyser te skakel oor enige aangeleentheid rakende hul kind.

41. WASGERIEWE

Alle reëlins in dié verband word op die bygaande inligtingstuk vermeld. Die seuns kry elk 'n wasgoednommer aangesien dit sortering vergemaklik. Klere moet dus gemerk word met 'n naam en wasgoednommer.